



Broj: 11-16.6-1821-4-1/15
Datum: 25.05.2015. godine

Na temelju člana 69. stav (2) tačka d), člana 70. stav (1), (4) i (6) Zakona o javnim nabavkama („Službeni glasnik Bosne i Hercegovine“, broj 39/14), a na preporuku Komisije za javnu nabavku u skladu sa Zapisnikom o radu komisije broj: 11-16.6-1821-1-3/15 od 19.05.2015. godine, u postupku javne nabavke usluga: Fizičkog i tehničkog obezbjeđenja objekata Agencije u Banjoj Luci i Sarajevu, za Lot 1 - Usluga fizičkog i tehničkog obezbjeđenja objekata Agencije za lijekove i medicinska sredstva u Banjoj Luci, Ulica Veljka Mladenovića b.b., direktor Agencije za lijekove i medicinska sredstva Bosne i Hercegovine donosi

ODLUKU
o poništenju postupka javne nabavke

Član 1.

Poništava se postupak javne nabavke usluga: Fizičkog i tehničkog obezbjeđenja objekata Agencije u Banjoj Luci i Sarajevu, **za Lot 1 - Usluga fizičkog i tehničkog obezbjeđenja objekata Agencije za lijekove i medicinska sredstva u Banjoj Luci, Ulica Veljka Mladenovića b.b.**, CPV broj 79714000-2 – Usluge nadzora, iz razloga što nijedna od primljenih ponuda nije prihvatljiva – član 69. stav (2) tačka d) Zakona o javnim nabavkama („Službeni glasnik Bosne i Hercegovine“, broj 39/14).

Član 2.

Za ponovno pokretanje procedure ove nabavke zadužuje se Sektor za pravne i opšte poslove.

Član 3.

Ova odluka objavit će se na web-stranici www.almbih.gov.ba, istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 11-16.6-1821-1/15 od 09.04.2015. godine.

Javna nabavka je provedena u skladu sa članom 8. Zakona o javnim nabavkama („Službeni glasnik BiH“, broj 39/14), **Ugovori na čiju dodjelu se primjenjuje poseban režim po postupku dodjele ugovora o uslugama iz Aneksa II. Dio B Zakona o javnim nabavkama.** Procijenjena vrijednost javne nabavke je **9.401,71 KM** bez PDV-a, od čega je za LOT 1 procijenjena vrijednost 7.264,96 KM, za LOT 2 procijenjena vrijednost 2.136,75 KM.

Obavijest o nabavci i Tenderska dokumentacija objavljene su na web stranici www.almbih.gov.ba i upućena ponuđačima: Alpha Security d.o.o. Banja Luka, Bond d.o.o. Banja Luka, DSC d.o.o. Sarajevo, Securitas d.o.o. Sarajevo, Sector Security d.o.o. Banja Luka, Unilab d.o.o. Sarajevo i Sikra Security d.o.o. Sarajevo.

Komisija za javnu nabavku imenovana je Odlukom broj: 11-16.6-1821-3/15 od 28.04.2015. godine.

Komisija za javnu nabavku dostavila je Zapisnik o radu komisije broj: 11-16.6-1821-1-3/15 od 19.05.2015 godine, koji je ujedno i izvještaj o radu. U Zapisniku o radu komisije se nalazi i izvještaj o ocjeni ponuda sa preporukom o poništenju postupka javne nabavke.

U postupku po izvještaju o radu je utvrđeno da je Komisija za javnu nabavku pravilno izvršila otvaranje blagovremeno prispjelih ponuda i evaluaciji istih za LOT 1, o čemu je sačinila odgovarajući zapisnik, u kojem je utvrđeno sljedeće:

- da je ukupan broj pristiglih ponuda tri,
- da su blagovremeno zaprimljene tri ponude,
- pa su ponuđene cijene od strane ponuđača vrlo neujednačene (od najniže cijene 795,60 KM sa PDV-om do najviše 9.126,00 KM sa PDV-om), zbog čega je bilo vrlo bitno provesti pregovore sa ponuđačima, kako bi se pribavila određena pojašnjenja u vezi sa ponuđenim cijenama, koji su bili predviđeni tačkom 26. Tenderske dokumentacije,
- da dana 05.05.2015. godine u 10:00 časova u vrijeme predviđeno za provođenje pregovora niko od kvalifikovanih predstavnika ponuđača koji su dostavili svoje ponude za LOT 1 nije došao na pregovore gdje bi se mogla postaviti određena pitanja i donijeti bitni zaključci, a o čemu su ponuđači obaviješteni i pozvani na pregovore u Pozivu za dostavu ponuda i u tački 26. Tenderske dokumentacije,
- ponuda ponuđača Alpha Sedurity d.o.o. Banja Luka koja je dostavljena u iznosu od 9.126,00 KM sa PDV-om se odbacuje, jer u svojoj ponudi nije dostavio traženi dokaz – važeću polis osiguranja od odgovornosti iz djelokruga rada izdatu od strane osiguravajućeg društva kaja je zahtjevana tačkom 13 Tenderske dokumentacije, a u vezi sa članom 47 Zakona o javnim nabavkama, zbog čega je ista odbačena kao nekompletna,
- da ponude ponuđača Sector Security d.o.o. Banja Luka u iznosu od 795,60 KM sa PDV-om kao i Bond d.o.o. Banja Luka u iznosu od 7.020,00 KM sa PDV-om nisu prihvatljive iz razloga, jer se ponuđači nisu pojavili na pregovorima, koji su bili definisani u tački 26. Tenderske dokumentacije,
- Komisija je predložila direktoru da se zbog propuštanja dolaska ovlaštenih predstavnika na zakazane pregovore i neobavljanja pregovora predviđenih tačkom 26 Tenderske dokumentacije postupak poništi u skladu sa članom 69. stav (2) tačka d) Zakona o javnim nabavkama.

Nadalje, u postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija dala preporuku o poništenju postupka nabavke, te da je data preporuka u skladu sa Zakonom, podzakonskim i internim aktima i Tenderskom dokumentacijom.

Naime, u postupku predmetne nabavke nesumnjivo je utvrđeno **da nijedna od primljenih ponuda nije prihvatljiva**, čime su se stekli zakonski uslovi za poništenje postupka javne nabavke.

Iz navedenih razloga, primjenom člana 69. stav (2) tačka d) Zakona o javnim nabavkama, odlučeno je kao u članu 1. ove odluke.


POUKA O PRAVNOM LIJEKU

Protiv ove odluke može se izjaviti žalba najkasnije u roku od 10 (deset) dana od dana prijema ove odluke.

Dostaviti:

1. Ponuđačima,
2. Komisiji za javne nabavke,
3. Sektoru za pravne i opšte poslove,
4. Sektoru za finansijske poslove,
5. web-stranica,
6. a/a.

DIREKTOR



Prim. mr ph. Nataša Grubiša, spec.

3/3

Veljka Mladenovića bb, 78000 Banja Luka
Centrala: +387 51 456 040; 456 050
Fax: +387 51 450 30
E-mail: info@almbih.gov.ba
www.almbih.gov.ba

Вељка Млађеновића бб, 78000 Бања Лука
Централа: +387 51 456 040; 456 050
Факс: +387 51 450 30
E-mail: info@almbih.gov.ba
www.almbih.gov.ba